



FUNDARGERÐ 477. FUNDAR STJÓRNAR SORPU

Stjórnarfundur SORPU bs., kt. 510588-1189, þriðjudaginn 14. febrúar 2023. Fundurinn er settur klukkan 07:38. Fundurinn er staðfundur að Suðurhrauni 10, 210 Garðabæ.

Fundarstjóri: Valdimar Víðisson, formaður stjórnar.

Fundarritari: Gunnar Dofri Ólafsson.

Mætt: Aldís Stefánsdóttir, Árelía Eydis Guðmundsdóttir, Guðfinnur Sigurvinsson, Orri Hlökkversson Svana Helen Björnsdóttir, og Valdimar Víðisson.

Jón Viggó Gunnarsson framkvæmdastjóri, Sigríður Katrín Kristbjörnsdóttir fjármálastjóri og Gunnar Dofri Ólafsson, samskipta- og viðskiptaþróunarstjóri sækja staðfund.

Til fundarins hafði verið boðað með lögformlegum hætti í samræmi við starfsreglur stjórnar og er því fundurinn ákvörðunar- og ályktunarbær.

Tekið fyrir

1. Starfsskýrsla og -áætlun endurskoðunarnefndar SORPU bs.

Lárus Finnbogason, formaður endurskoðunarnefndar SORPU, tekur sæti á fundinum undir þessum lið. Lárus gerir grein fyrir starfsskýrslu og -áætlun endurskoðunarnefndar SORPU og ábyrgð stjórnar.

Lárus vikur af fundi klukkan 08:06.

2. Starfsskýrsla áhættunefndar SORPU bs.

Fjármálastjóri og formaður áhættunefndar SORPU gerir grein fyrir starfsskýrslu áhættunefndar SORPU.

Svana Helen Björnsdóttir tekur sæti í nýrri áhættunefnd fyrir hönd stjórnar.

3. Staða og horfur á forvinnslulínu MTFS – minnisblað

Framkvæmdastjóri gerir grein fyrir minnisblaði um rekstur forvinnslulínu fyrir blandaðan úrgang í MTFS.

Stjórn SORPU bókar eftirfarandi:

„Í ljósi fyrirséðra breytinga á söfnun matarleifa við heimili á höfuðborgarsvæðinu og þeirra krafna sem eru gerðar til moltuvinnslu er ljóst að vinnsla á lífrænum úrgangi úr blönduðum heimilisúrgangi verður ekki hluti af starfsemi SORPU til framtíðar. Stjórn SORPU felur framkvæmdastjóra að hefja undirbúning að lokun forvinnslulínunnar í móttöku- og flokkunarstöðinni í samráði við stýrihóp sem komið skal á fót til að tryggja framgang verkefnisins. Mikilvægt er að tryggja faglega ákvörðunartöku við framkvæmd verkefnisins, svo sem við áhættugreiningu og stjórnun verkefnisins. Framkvæmdastjóri skal upplýsa stjórn þegar línur skýrast um hvaða leið sé skynsamlegust að fara til að loka línunni.“



4. Eigendasamkomulag um áframhaldandi urðun í Álfsnesi

Framkvæmdastjóri gerir grein fyrir stöðu samtals um breytingar á eigendasamkomulagi um urðunarstað í Álfsnesi til að tryggja að höfuðborgarsvæðið verði ekki án urðunarstaðar í lok árs.

Umræður í kjölfar kynningar. Stjórn óskar eftir kynningu viðræðuáætlunar um nýjan urðunarstað á næsta stjórnarfundi.

5. Staða stefnumótunar SORPU bs.

Framkvæmdastjóri gerir fyrir stöðu stefnumótunar SORPU. Rætt hefur verið við fjögur ráðgjafafyrirtæki á sviði stefnumótunar. Farið verður í verðfyrirspurn hjá þeim aðilum sem uppfylla kröfur um gæði. Áætlað er að valferli ljúki í lok mánaðar.

Stjórn felur framkvæmdastjóra að taka málið áfram í samræmi við kynningu.

6. Drög að starfsáætlun stjórnar kynnt

Fjármálastjóri kynnir drög að starfsáætlun stjórnar. Lagt fram til kynningar.

7. Staða útboðs á útflutningi á brennanlegum úrgangi.

Framkvæmdastjóri gerir grein fyrir stöðu á útflutningi á brennanlegum úrgangi. Útboðið hefur verið rýnt af innkaupaskrifstofu Reykjavíkurborgar og verður sent til auglýsingar á útboðsvef TED í yfirstandandi viku.

8. Niðurstöður viðhorfskönnunar vegna samræmds flokkunarkerfis kynnt

Samskipta- og viðskiptaþróunarstjóri gerir grein fyrir niðurstöðum könnunar um afstöðu almennings til nýs flokkunarkerfis og sérsöfnunar á matarleifum. Yfirgnæfandi meirihluti íbúa á höfuðborgarsvæðinu eru meðvituð um fyrirhugaða breytingu og yfirgnæfandi meirihluti íbúa er jákvæður í garð fyrirhugaðra breytinga.

9. Næsti fundur

Næsti fundur er boðaður þriðjudaginn 14. mars 2023 klukkan 07:30.

Fleira var ekki gert og fundi slitið klukkan 09:30.



SORPA

Einkasurningar - Neyslukönnun 2022
Nýtt flokkunarkerfi á höfuðborgarsvæðinu

Efnisyfirlit

Um mitt ár 2023 verður tekið upp nýtt flokkunarkerfi á höfuðborgarsvæðinu þar sem fjórum úrgangsflokkum verður safnað við hvert heimili. Hefur þú heyrt um þetta nýja flokkunarkerfi heimilisúrgangs á höfuðborgarsvæðinu?


Hversu vel eða illa líst þér á nýtt flokkunarkerfi heimilisúrgangs á höfuðborgarsvæðinu?

Hversu auðvelt eða erfitt telur þú að það verði fyrir þitt heimili að flokka heimilsúrgang í fjóra úrgangsflokka?

Hvers vegna telur þú að það verði erfitt fyrir þitt heimili að flokka heimilisúrgang í fjóra úrgangsflokka?


Um mitt ár 2023 verður tekið upp nýtt flokkunarkerfi á höfuðborgarsvæðinu þar sem fjórum úrgangsflokkum verður safnað við hvert heimili. Hefur þú heyrt um þetta nýja flokkunarkerfi heimilisúrgangs á höfuðborgarsvæðinu?

Svarendur fengu eftirfarandi formála: Um mitt ár 2023 verður tekið upp nýtt flokkunarkerfi á höfuðborgarsvæðinu þar sem fjórum úrgangsflokkum verður safnað við hvert heimili: Matarleifum, pappír/pappa, plastumbúðum og blönduðum úrgangi. Öll heimili fá bréfpoka og körfu til að safna matarleifum inni á heimilum og fyrir utan heimili verður í boði að hafa tvískiptar tunnur þar sem pláss er af skorum skammti. Kerfið er í samræmi við breytingar á lögum um söfnun á úrgangi við heimili sem taka mun gildi um áramótin.




Tímabil: Year

Hversu vel eða illa líst þér á nýtt flokkunarkerfi heimilisúrgangs á höfuðborgarsvæðinu?



Tímabil: Year

Hversu auðvelt eða erfitt telur þú að það verði fyrir þitt heimili að flokka heimilsúrgang í fjóra úrgangsflokka?



Takk fyrir!

Efni: Staða og framtíð forvinnslulínu MTFS

Frá: Valgeir Páll Björnsson, Gunnar Dofri Ólafsson

Til: Jón Viggó Gunnarsson

14. febrúar 2023

Minnisblað um stöðu og framtíð forvinnslulínu í móttöku- og flokkunarstöð SORPU

Samantekt:

- Ekki verður þörf á rekstri forvinnslulínu þegar sérsöfnun á matarleifum hefur náð fótfestu
- Ekki er hægt að vinna moltu frá lífrænum straum sem kemur úr forvinnslulínu samkvæmt evrópulöggjöfni.
- Lokun forvinnslulínu gæti sparað vinnslukostnað upp á ca. 250 milljónir á ári
- Fyrirséð að flýta þarf afskriftum á forvinnslulínunni, sem tekin var var notkun 2020 í tengslum við opnun GAJA

Núverandi staða

Fyrir liggur að þegar sérsöfnun á matarleifum hefur náð útbreiðslu verður forvinnslulína SORPU í móttöku- og flokkunarstöðinni óþörf. Ákveða þarf á hvaða tímapunkti verði hætt að reka línuna.

Hvað er forvinnslulína?

Forvinnslulínan í móttöku- og flokkunarstöð SORPU var fyrst og fremst sett upp til að vinna lífrænan úrgang úr blönduðum úrgangi til áframhaldandi vinnslu í GAJU. Þessi aðferð samræmist ekki reglum Evrópu¹ um uppruna lífræns úrgangs til moltuvinnslu. Kostnaður við rekstur línunnar er um 250 milljónir króna og afskriftir vélbúnaðar um 100 milljónir króna á ársgrundvelli.

Hvað mælir með áframhaldandi rekstri línunnar?

Ávinningur af því að halda áfram að vinna blandaðan úrgang í forvinnslulínunni er fyrst og fremst sá að með því verður hægt að hámarka það magn af lífrænum úrgangi sem hægt verður að vinna í GAJU á innleiðingartímabili sérsöfnunar á matarleifum.

Það styður við rekstur GAJU, hámarkar möguleika á gasframleiðslu og dregur að einhverju marki úr losun gróðurhúsalofttegunda frá meðhöndlun úrgangs.

¹ [https://eur-lex.europa.eu/legal-content/EN/TXT/HTML/?uri=PI_COM:Ares\(2021\)898281&rid=15](https://eur-lex.europa.eu/legal-content/EN/TXT/HTML/?uri=PI_COM:Ares(2021)898281&rid=15)



Hvað mælir á móti áframhaldandi rekstri línunnar?

Ekki verður hægt að vinna molu úr því efni sem forvinnslulínan skilar til GAJU vegna krafa MAST sem byggja á reglum Evrópusambandsins. Rekstur forvinnslulínunnar kostar um 250 milljónir króna á ári, sem leggst fyrst og fremst á sveitarfélögin á höfuðborgarsvæðinu.

Sviðsmyndir:

1. Hætta rekstri forvinnslulínu samhliða innleiðingu sérsöfnunar á matarleifum. Rekstri hætt vorið 2024.
2. Hætta rekstri forvinnslulínu eftir að innleiðing á sérsöfnun á matarleifum hefst í samræmi við nánar tilgreindar forsendur, svo sem árangur af söfnun matarleifa, gasvinnslu í GAJU og fleiri rekstrarforsendur. Rekstri hætt á ótilgreindum tímapunkti.

Tillaga að ákvörðun:

Stjórn SORPU felur framkvæmdastjóra að hefja undirbúning að lokun forvinnslulínunnar í móttöku- og flokkunarstöðinni í samráði við stýrihóp sem komið skal á fót til að tryggja framgang verkefnisins. Mikilvægt er að tryggja faglega ákvörðunartöku við framkvæmd verkefnisins, svo sem við áhættugreiningu og stjórnun verkefnisins.

Framkvæmdastjóri skal upplýsa stjórn þegar línur skýrast um hvort rétt verði að loka línunni í samræmi við sviðsmynd 1 eða 2.